



Caderno da crítica

Cuestionario Proust: Xoaquín Agulla Pizcueta

[Ramón Nicolás 24 Abril 2015](#)

1.– Principal trazo do seu carácter?

– Introvertido.

2.– Que calidade aprecia máis nas persoas?

– Sinceridade.

3.– Que agarda das súas amizades?

– Que saiban cultivala.

4.– A súa principal eiva?

– Non ser nada materialista, agás para a supervivencia diaria.

5.– A súa ocupación favorita?

– O bricolaxe, porque relaxa a mente.

6.– O seu ideal de felicidade?

– Traballo, saúde e educación sen dogmas.

7.– Cal sería a súa maior desgraza?

– Que morran antes os que por lei de vida deben ir despois.

8.– Que lle gustaría ser?

– O que son, pero mellorado.

9.– En que país desexaría vivir?

– Un país sen poderes fácticos.

10.– A súa cor favorita?

– O azul dun día sen nubes.

11.– A flor que máis lle gusta?

– A chorima.

12.– O paxaro que prefire?

– O paporrubio.

13.– A súa devoción na prosa?

– A prosa de Gabriel Miró.

14.– E na poesía?

– Toda a xeración do 27.

15.– Un libro?

– *Á lus do candil*.

16.– Un heroe de ficción?

– Max Estrella de Valle Inclán.

17.– Unha heroína?

– Juana Capdevielle, muller do gobernador d'A Coruña, destacada intelectual feminista que estaba embarazada no momento da súa execución polos franquistas, católicos e apostólicos.

18.– A súa música favorita?

– A clásica (Chopin, Vivaldi...).

19.– Na pintura?

– Impresionismo.

20.– Un heroe ou heroína na vida real?

– A muller no mundo subdesenvolto.

21.– O seu nome favorito?

– Non teño.

22.– Que hábito alleo non soporta?

– A preguiza.

23.– O que máis odia?

– Os mercados financeiros.

24.– A figura histórica que máis despreza?

– Os ditadores pasados, presentes e futuros.

25.– Un feito militar que admire?

– Numancia.

26.– Que don natural lle gustaría ter?

– Lonxevidade.

27. – De que maneira lle gustaría morrer?

– De vello, nunha noite de acougo.

28.– Cal é o seu estado de ánimo máis habitual?

– Felicidade contida.

29.– Que defectos lle inspiran máis indulxencia?

– Aqueles que non afectan ao benestar de terceiros.

30.– Un lema na súa vida?

– A liberdade dun remata onde comeza a do outro.